



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annotationes des hoech-||geleerten vnd Christlichen
doctoers Hiero-||nymi Emßers saeligen, vber Luthers new
Testa-||ment**

Emser, Hieronymus

Coellen, 1528

VD16 E 1091

Vorred

urn:nbn:de:hbz:466:1-35734

Vorred uber der

hat/das ist wyß allerley menschen leer gesagt,
ist dise gloß ouch erlogen, wie oben in dem letz
ten paragrapho der vorred vber disse Epistell
klerlich beweist ist.

Auß die oerste Epistell zu
den Corinthern

Vorred

Das Luther dysse Epistel auff dye
vorigen cōtinuieren wil, vñ spricht
wie Paulus in der Epistel zu den
Roemern vō glauben vnd werke
geschriben hab fast ordentlich. **A**
ber yn dyß orsten zu den Corinthern/richte er
mancherley sachē aus/die darauff entsprunge
sein/ist so bald falsch vnd vnbestendig/dan die
weil die vorig Epistel zu den Roemern oerst
nach dyß geschriben worden/vnnd dysse edler
dan ybene, wie kan dan dise auß yener entsprū
gen sein. Das aber die zu den Roemern in cor
pore canonis dyß furgeschoben worden/ist ge
scheben zum teil vñ d̄ wirdikz willen deren an
dy sie geschriebē/zum tayl vmb der hohen ding
willen die do selbist gehandelt werden/ als vō
d̄ gnad Gotes. Item von seiner beruffung pre
destination od̄ vorsehenheit vñ andern tieffen
vnd vnerforschlichen stucken.

Aber die oerste Epistel zu den Corinthern
hat Paulus geschriben/ do ym in Asia gesagt

R ij

Corinthier Epistel.

ward/wie sie sich etzliche ketzer vorfurē lissen/
vnd falsche Propheten vnd prediger auffgenō
men hetten/die ynen andt predigten/vnd sye
andt lereten/dan er gethan het/vō den heylig
en Sacramentem sondlich von der touff, von
der heiligen ehe/ von dem abentessen / von der
aufferstehung/vnd von den guten wercken dar
umb sie sanct Paul strafft/wie er ouch dē Ga
lathern thut/dz sie sich die falsche prophetē al
so vorblendē vnd vortzubern lissen/vō woel
chen beiden Episteln Seneca tzu Paulo schrei
bet/wie er sie beyd dem keis̄ geles̄en / vnd des
sie beid / der Keyser vnd er // ein groß woll
gefallen daryn gehabt haben. Sic em̄ incipit/
Profiteor me bene affectum / lectione literarū
tuarum quas Galathis ⁊ Corinthijs Acheis
misisti ⁊ c.

Aber Luther hat geforcht/wo er diß argu
ment recht an tag gebe/ es moicht tzu letzt auf
yn gede wt werden/ dan er der selben falschem
Propheten die ytzo dz volck vorfur en/die sch
riffte verkeren/die heiligen sacrament vnd gute
werck verachten/ouch einer/vn̄ der fenderich
vnd ynen ist. Darumb so woellen wir seyn ge
schwetz faren lassen/vnd sanct Pauls Epistell
angreifen.

Ausz dem ersten capitell.